

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Sužbene novine Zeničko-dobojskog kantona“, broj: 7/10 i 3/23), a u skladu sa članovima 37. stav (5) i 46. stav (1) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 4/24 i 12/24), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 54. sjednici, održanoj dana 08.11.2024. godine, d o n o s i

ODLUKU

o usvajanju Programa utroška sredstava Instituta za zdravlje i sigurnost hrane Zenica za „Projekat održivo upravljanje animalnim otpadom“

Član 1.

(Predmet)

Usvaja se Program utroška sredstava Budžeta Instituta za zdravlje i sigurnost hrane Zenica za „Projekat održivo upravljanje animalnim otpadom“, u razdjelu 23, budžetska organizacija 01, potrošačka jedinica 0001, ekonomski kod 614100, pozicija „Institut za zdravlje i sigurnost hrane Zenica za projekte iz oblasti veterinarstva i bilja“ u iznosu od 100.000,00 KM (slovima: stotinu hiljada konvertibilnih maraka), Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 12/24) i čini sastavni dio ove odluke.

Član 2.

(Način realizacije sredstava)

Sredstva planirana ovim programom utroška sredstava realizovat će se isključivo u skladu sa mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3.

(Realizacije Odluke)

Za realizaciju ove Odluke zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-18706/24

Datum, 08.11.2024. godine
Zenica

PREMIJER

Nezir Pivić

DOSTAVLJENO:

1x Ministarstvu za poljoprivredu, šumarstvo i vodoprivredu,
1x Ministarstvu finansija,
1x „Službene novine Zeničko-dobojskog kantona“,
1x a/a.



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA POLJOPRIVREDU,
ŠUMARSTVO I VODOPRIVREDU**

**PROGRAM UTROŠKA SREDSTAVA
INSTITUTA ZA ZDRAVLJE I SIGURNOST HRANE ZENICA
ZA PROJEKAT ODRŽIVO UPRAVLJANJE ANIMALNIM OTPADOM**

Zenica, novembar 2024. godine

Podaci o programu

Program je usvojen:	na 54. sjednici Vlade Zeničko-dobojskog kantona održanoj 08.11.2024. godine.
Period realizacije Programa:	Realizacija Programa utroška sredstava Budžeta Instituta za Instituta za zdravlje i sigurnost hrane Zenica za „Projekat održivo upravljanje animalnim otpadom“, izvršiti će se u 2024. godini.
Ukupna vrijednost Programa:	100.000,00 KM
Namjena Programa:	Unapređenje sistema upravljanja animalnim otpadom na području Zeničko-dobojskog kantona
Korisnici Programa:	„Institut za zdravlje i sigurnost hrane“ Zenica
Izvor sredstava:	Budžet Zeničko-dobojskog kantona za 2024. godinu, Ministarstvo za poljoprivredu, šumarstvo i vodoprivredu, "Tekući transfer za „Institut za zdravlje i sigurnost hrane Zenica za projekte iz oblasti veterinarstva i bilja“
Odgovorna osoba:	Jasmin Čajić, ministar

I NAZIV PROGRAMA

Programa utroška sredstava Budžeta Instituta za zdravlje i sigurnost hrane Zenica za „Projekat održivo upravljanje animalnim otpadom“, u razdjelu 23, budžetska organizacija 01, potrošačka jedinica 0001, ekonomski kod 614100, pozicija „Institut za zdravlje i sigurnost hrane Zenica za projekte iz oblasti veterinarstva i bilja“ (u daljem tekstu: Institut)

„Programa utroška sredstava Budžeta Instituta za zdravlje i sigurnost hrane Zenica za Projekat održivo upravljanje animalnim otpadom“ (u daljem tekstu: Program) određuje se iznos sredstava za transfer i dodjelu po utvrđenom prijedlogu Projekta na zahtjev Instituta.

II ZAKONSKI OSNOV ZA PROGRAM

Zakonom o izvršenju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23, 4/24 i 12/24) opredijeljena su sredstva na poziciji „Institut za zdravlje i sigurnost hrane Zenica za projekte iz oblasti veterinarstva i bilja“ u ukupnom iznosu od 250.000,00 KM.

Članom 37. stav (5) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23, 4/24 i 12/24) propisano je da će se budžetska sredstva na poziciji Tekući transfer za „Institut za zdravlje i sigurnost hrane Zenica ” koristiti prema programu utroška koji donosi Vlada Kantona, a u članu 46. stav (1) je utvrđeno da nadležno ministarstvo predlaže Vladi Kantona program utroška sredstava iz člana 37. istog Zakona.

III SVRHA PROGRAMA

Unapređenje sistema upravljanja animalnim otpadom na području Zeničko-dobojskog kantona kroz Studiju koja treba predložiti održivi model upravljanja animalnim otpadom na području Zeničko-dobojskog kantona i prijedlog zbrinjavanja animalnog otpada na području Zeničko-dobojskog kantona na ekološki najprihvatljiviji način a što bi trebalo doprinjeti:

Smanjenju količine animalnog otpada - implementacija programa educiranja o smanjenju otpada, te promocija alternativnih rješenja poput kompostiranja ili upotrebe otpada u druge svrhe.

Poboljšati sistem recikliranja-uspostavljanja efikasnog sistema za recikliranje i preradu animalnog otpada radi smanjenja negativnog uticaja na okoliš i zdravlje.

Edukaciju i povećanje svijesti javnosti kroz organiziranje edukativnih programa i kampanja kako bi se podigla svijest o važnosti pravilnog upravljanja animalnim otpadom i potaknuli građane na aktivno učestvovanje u rješavanju problema.

Unapređenje zakonodavstva i regulacija - saradnja sa lokalnim vlastima radi unapređenja zakonodavnih regulativa i standarda za upravljanje animalnim otpadom.

Procjena uticaja na životnu sredinu, procjena potencijalnih uticaja generisanog animalnog otpada na životnu sredinu i javno zdravlje, identifikacija mogućih rizika od zagađenja vode, tla, vazduha i širenja bolesti.

Identifikaciju najčešćih vrsta animalnog otpada, količina, karakteristika i lokacije animalnog otpada na području Zeničko-dobojskog kantona;

Identifikaciju velikih proizvođača animalnog otpada na području Zeničko-dobojskog kantona.

IV IZVORI FINANSIRANJA I VISINA SREDSTAVA

Budžetom Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 12/24), u razdjelu 23, budžetska organizacija 01, potrošačka jedinica 0001, ekonomski kod 614100, pozicija „Institut za zdravlje i sigurnost hrane Zenica za projekte iz oblasti veterinarstva i bilja“ planirana su sredstva u iznosu od 250.000,00 KM

Na zahtjev Instituta, akt broj: 02-3462/24 od 25.09.2024. godine dostavljen je Prijedlog projekta „Održivo upravljanje animalnim otpadom“ u ukupnom iznosu od **100.000,00 KM**. Utvrđeni iznos realizovaće se u skladu sa prilivom sredstava u Budžetu, a na bazi mjesečnih operativnih planova. Za prekoračeni iznos odobrenih sredstava Institut će obezbjediti vlastita sredstva.

V AKTIVNOSTI PLANIRANE PROJEKTOM

Plan aktivnosti za ostvarenje ciljeva navedenih u ovom projektu

1. Identifikacija najčešćih vrsta animalnog otpada, karakteristike i lokacija
 - Analiza proizvodnog procesa:
 - Terensko istraživanje
 - Klasifikovati vrsta otpada
 - Analiza lokacije
 - Mapiranje lokacije
 - Dokumentacija i analiza podataka
2. Identifikacija velikih proizvođača animalnog otpada
 - Istraživanje sekundarnih izvora podataka
 - Kontaktiranje lokalnih organizacija i institucija
 - Analiza proizvodnih kapaciteta
 - Terenska istraživanja i vizualna identifikacija
 - Validacija i verifikacija podataka
3. Prijedlog zbrinjavanja animalnog otpada na ekološki najprihvatljiviji način
 - Analiza vrsta animalnog otpada
 - Procjena uticaja na okoliš
 - Analiza troškova i koristi
 - Razmatranje tehnoloških mogućnosti
4. Prijedlog zbrinjavanja animalnog otpada na ekološki najprihvatljiviji način
 - Ispitivanje stavova javnosti kroz ankete i intervju
 - Ispitivanje stavova proizvođača animalnog otpada kroz ankete i intervju
 - Organizacija radionica za edukaciju javnosti i proizvođača
 - Održavanje radionica
 - Praćenje rezultata radionica

-Pokretanje medijskih kampanja

VI KORISNIK SREDSTAVA

Korisnik ovih sredstava Budžeta Zeničko-dobojskog kantona za 2024. godinu je Javna ustanova - „Institut za zdravlje i sigurnost hrane“ Zenica.

VII NAČIN I ROKOVI IZVJEŠTAVANJA

Korisnik doznačenih sredstava Institut dužan je dostaviti Ministarstvu za poljoprivredu, šumarstvo i vodoprivredu izvještaj o namjenskom utrošku sredstava (narativni i finansijski izvještaj) do 31.03.2025. godine. U slučaju da Korisnik doznačenih sredstva ne dostavi narativni i finansijski izvještaj o utrošku sredstava za odobreni projekat do ostavljenog roka neće biti prihvaćen za finansiranje projekata u narednoj fiskalnoj godini.

Broj: 02-11-18706/24

Datum, 08.11.2024. godine

Zenica

PREMIJER

Nezir Pivić

DOSTAVLJENO:

1x Ministarstvu za poljoprivredu, šumarstvo i vodoprivredu,

1x Ministarstvu finansija,

1x „Službene novine Zeničko-dobojskog kantona“,

1x a/a.